

Tus kab mob hu ua Pertussis (Hnoos tau khoob khoob nrov qug)

Qhia txog tus kab mob

Tus kab mob pertussis yog dab tsi?

Tus kab mob hu ua Pertussis yog ib tug kab mob kis tau rau cov hlab ntsws.

Leej twg thiaj li raug tus kab mob hu ua pertussis?

Tus kab mob Pertussis no raug rau txhua leej tus laus tus hluas, tab sis feem ntau raug nyhav rau cov menyuam mos thiab menyuam yaus.

Tus kab mob pertussis kis tau li cas?

Cov kab mob kis tau los ntawm tej lub kua dej txaws tawm tuaj thaum tus neeg muaj tus mob no hnoos . Qhov yuav kis tau yog nyob rau hauv tsev thaum nyob tim ntej tim muag. Kis tau rau lwm tus nyob hauv vaj hauv tsev yog feem ntau.

Tus neeg uas raug tus kab mob pertussis no tus mob zoo li cas?

Yog cov menyuam mos thiab cov menyuam yaus, tus mob xub pib mob li ua daus no nrog rau los ntswg, tej zaum kuj kub taub hau me ntsis thiab hnoos men tsis mus li 1-2 lub liv piam. Ces tus mob kuj mob loj hnoos heev ua rau ua pab nyuaj , tsis qab los noj mov, thiab pw tsis tsaug zog thiab kuj muaj qhov pheej ntuav nrog thiab qaug zog heev. Thaum hnoos tus neeg mob yuav ua lub suab nrov qug nrov khoob khoob puag tom qa tuaj yog thaum sib huas pa ua pa (qhov hnoos ntawd hu ua "whooping cough" hnoos tau khoob khoob nrov qug).

Qhov hnoos ntawd yuav muaj nyob ntev loo mus li ntawm ob peb lub liv piam mus rau ob lub hlis los yog ntev dua. Yog rau cov menyuam uas muaj hnuv nyoog lawm, cov nto hluas lawm thiab cov laus tus mob kuj tsis tshua loj heev thiab tsis muaj lub suab hnoos nrov qug.

Tus kab mob pertussis no ua tau li cas rau tib neeg?

Yog raug rau cov menyuam mos muaj hnuv nyoog yau dua 6 lub hlis ces feem ntau yog ua rau mob ntsws txog (17%) ces kuj nce mus rau lub hlwb ua rau muaj qhov feeb tsis meej txog (2.1%) thiab ua rau lub hlwb tsis zoo hu ua encephalopathy txog (0.2%). Yuav ntxaug zuj zus vim tsis qab los noj mov thiab lub cev qhuav kuj yog ib yam teem meem los ntawm tus kab mob. Muaj coob tshaj li ib nrab ntawm cov menyuam mos uas raug tus kab mob pertussis yuav tsum tau mus pw hauv tsev kho mob.

Yog thaum kis tau lawm yuav siv sijhawm hov ntev thiaj li pom tus mob tshwm sim?

Feem ntau yog 7 hnuv mus rau 20 hnuv.

(Ntxeev rau sab nraud)

TAU TSIM TSA LOS NTAWM PHAB SAIB KEV NOJ QAB NYOB ZOO RAU TXHUA TUS, TSOOMFWV NTAWM PHAB SAIB KEV NPAJ TIV THAIV KOM TXHOB MUAJ KAB MOB KIS TAU LOS YOG THAUM MUAJ COV KAB MOB TXAWJ KIS TAU NYOB RAU NTAWM TSAB KEV CAI TSHOOJ P-42147 (Rev. 12/05)

Thaum twg thiab ntev npaum li cas tus neeg mob thiaj li muaj peevxwm kis tau tus kab mob pertussis rau lwm tus?

Tus kab mob pertussis feem ntau kis tau rau thaum nyuam qhuav pib mob ua ntej yuav mob nyhav heev. Qhov yuav kis tau ntawd kuj kis tau rau lwm tus txog li ntawm peb lub liv paim los yog ntev dua ntawd tom qab uas pib hnoos heev. Thaum pib hnoos heev lawm kuj muaj peevxwm kis tau li ntawm peb lub liv piam los yog ntev ua ntawd. Qhov sij hawm kis tau rau lwm tus ntawd yuav muab txo tau kom tsawg zog li ntawm 5 hnuv yog tom qab muab tshuaj rau siv thaum nyuam qhuav pib mob.

Puas muaj txoj hau kev kho tau tus kab mob pertussis?

Muaj plaub yam tshuaj tua kab mob raug samfwm los siv kho tus kab mob pertussis kom tsis txhob kis tau rau lwm tus. Tej zaum koj tus kws kho mob yuav xaiv ib yam tshuaj ntawm cov uas hais los ntawm nov los tua tus kab mob. Cov tshuaj tua tus kab mob yuav siv li ntawm 5 hnuv yog cov tshuaj hu ua azithromycin, cov siv li ntawm 7 hnuv yog hu ua cov clarithromycin los yog cov tshuaj siv li ntawm 14 hnuv yog cov tshuaj hu ua erythromycin los yog cov hu ua trimethoprim/sulfamethoxazole (TMP/SMX). Tus neeg ua tau tus kab mob hu ua pertussis yuav tsum tsis txhob cia mus kawm ntawv, txhob mus ua haujlwm los yog lwm yam haujlwm ua ntej 5 hnuv uas tau muab tshuaj rau siv. Cov tshuaj muab rau siv tua tus kab mob yuav tsum siv raws nraim li qhov tau samfwm kom siv.

Yuav ua li cas thiaj li tiv thaiv tau kom tus kab mob pertussis txhob kis tau rau lwm tus?

Yuav tsum muab tshuaj rau cov neeg ua nyob sib ze ua ke (tshwj xeeb yog tsev neeg) kom tsis txhob muaj mob loj. Tus mob uas raug tus kab mob pertussis tsis tau muab tshuaj rau es yog pheej hnoos heev yuav tsum mus kuaj saib puas yog raug tus kab mob pertussis. Tus neeg uas paub meej lawm los yog xoom xaim hais tias raug tus kab mob pertussis lawm es tsis tau muaj tshuaj siv tua tus kab mob yuav tsum tsis txhob nyob ze leej twg li ntawm 3 lub liv piam.

Yuav ua li cas thiaj li paub meej hais tias yog tau tus kab mob pertussis?

Qhov yuav paub meej yog coj mus soj ntsuam xyuas ntawm ib qho kev soj ntsuam hu ua (PCR) yog kuaj cov kua ntswg ntawm lub qhov ntswg thaum nyuam qhuav pib mob. Qhov kev kuaj mob hu ua PCR yog ib qho kev soj ntsuam kom paub txog saib yuav txhim kho li cas thiaj li tua tau tus kab mob hu ua pertussis.

Yuav ua li cas thiaj li tiv thaiv kom txhob raug tus kab mob pertussis?

Yuav tsum mus txhaj tshuaj rau cov menyuam mos thiab cov menyuam yaus yog hom tshuaj tiv thaiv tus kab mob Pertussis hu ua (aP) yog txhaj rau cov muaj hnuv nyoog 2, 4, 6 thiab 15-18 hlis thiab ntxiv rau thaum muaj hnuv nyoog 4-6 xyoo. Txhaj nrog rau cov tshuaj hu ua Diphtheria thiab Tetanus hu ua DTaP. Cov menyuam uas txhaj tshuaj no txog li ntawm 3 koob tshuaj lawm kwv yees li ntaw 80% los yog ntau dua ntawd yeej tiv thaiv tau kom txhob muaj mob loj. Tom qab 3 lub xyoos lawm ces qhov kev tiv thaiv yuav tsuag zuj zus lawm. Tus neeg uas tau txhaj tshuaj lawm txawm yog raug tus kab mob pertussis no los tsis loj luaj twg lawm. DTaP yog hom tshuaj xav kom txhaj rau cov muaj hnuv nyoog 2 hlis mus txog rau 6 xyoo. Muaj ib qho txhuaj txhaj pab rau cov laus thiab cov nto hluas lawm tau txais daim ntawv pov thawj xyoo 2005. Koob tshuaj hu ua Tdap, yog siv rau cov menyuam muaj hnuv nyoog 11-12 xyoos. Nws kuj zoo rau cov laus txhaj ib zaug koob tshuaj no thiab.

Tus neeg tau kab mob pertussis dua ib zaug lawm puas ua rau nws tsis tau ntxiv lawm?

Tus uas raug tus kab mob pertussis ib zaug lawm tej zaum kuj tsis tau ntxiv lawm. Txawm li cas los, lub sijhawm yav tas los uas yuav raug thiab tsis raug ntxiv kuj tsis paub meej.